

四庫全書

史部

欽定四庫全書

國語卷九

吳韋昭注

晉語三

惠公入而背外內之賂

惠公獻公庶子重耳之弟惠公夷吾也外秦內里丕也

與

人誦之

與衆也不歌曰誦

曰佞之見佞果喪其田

偽善為佞佞謂里丕受惠

公賂田而納之見佞謂惠公入而不予也果猶竟也喪亡也

詐之見詐果喪其賂

詐謂

秦以詐立惠公不置德而置服也見詐謂惠公入而背之

得國而狃終逢其咎

謂惠公也

狃怙也咎喪田不懲禍亂其興謂丕鄭也不得田不懲父復欲與秦共納重耳

惠公既里丕死既已也惠公二年春殺里克秋殺丕鄭禍公隕於韓禍謂貪憚

之禍也秦伐晉戰於韓獲惠公以歸隕其師徒在魯僖十五年郭偃曰善哉夫衆口禍

福之門也偃晉大夫善興人之誦豫知之故曰衆口禍福之門是以君子省衆而

動動行也監戒而謀謀度而行監察也度揆也察衆口以為戒謀事揆義乃行故

無不濟內謀外度考省不倦考校也日考而習戒備畢矣

曰自考省習而行之戒備之道畢於是矣

惠公即位出共世子而改葬之臭達於外共世子申生也獻公時申

生葬不如禮故改葬之惠公烝於獻公夫人賈君故申
生臭達於外不欲為無禮者所葬也唐以賈君為申生
妃非也傳曰獻國人誦之曰貞之無報也就是人斯而
公娶于賈無子

有是臭也

賈唐云貞正也謂惠公欲以正禮改葬世子而不獲吉報也孰誰也斯斯世子也誰使是

人有是臭者言惠公使之也或云貞謂申生與下相達似非也

貞為不聽

以正葬之而不見聽也

信為不誠

信心行之不見誠也

國斯無刑媮居幸生

刑法也言惠公媮竊居位

微幸而生

不更厥貞大命其傾

不變更其正大命將傾傾危也

威兮懷兮

威

也懷思也言國人畏惠公思重耳也

各聚爾有以待所歸兮

爾有所有也

猗兮

違兮心之哀兮

猗歎也違去也言民心欲去其上安土重遷故心哀之

歲之二七

其靡有微兮

二七十四歲後也靡無也無有微者亦亡謂子園也

若翟公子吾是

之依兮

謂重耳也

鎮撫國家為王妃兮

言重耳當霸諸侯為王妃偶

郭偃

曰甚哉善之難也

難難為也

君改葬共君以為榮也而惡滋

章夫人美於中必播於外而越於民民實戴之

美善也播布也

越揚也戴欣戴也言有善於中心必播於外揚於民也

惡亦如之故行不可不慎

也必或知之

或知下民必知其善否也

十四年君之冢嗣其替乎

冢嗣

太子也替滅也

其數告於民矣

數謂二七也

公子重耳其入乎其魄

兆於民矣

魄形也兆見也

若入必霸諸侯以見天子其光耿於

民矣

耿猶照也

數言之紀也

謂言者紀其數也

魄意之術也

意民之志術道

也魄兆見而民志隨之

光明之耀也紀言以敘之

敘述也

述意以導

之

導開導也

明耀以照之不至何待欲先導者行乎

先導謂重耳導

引者可

將至矣

惠公既殺里克而悔之曰芮也使寡人過殺我社稷之

鎮

芮冀芮也鎮重也

郭偃聞之曰不謀而諫者冀芮也

不先為君謀而

諫使君殺里克者冀芮也

不圖而殺者君也

言不與人謀而殺里克者君之過也

不謀

而諫不忠不圖而殺不祥不忠受君之罰

言君當加罰也

不祥

惟天之禍受君之罰死

戮辱也言死且有辱

惟天之禍無後

無後

嗣也

志道者勿忘將及矣

志識也及至也勿忘此占言禍將至也

及文公入

文公重耳也

秦人殺冀芮而施之

冀芮既納文公而悔將殺之文公知之潛會秦伯於

王城冀芮焚公宮求公不得遂如河上秦伯誘而殺之陳尸曰施

惠公既即位乃背秦賂使丕鄭聘于秦且謝之

謝不時也

而殺里

克曰子殺二君與一大夫

二君奚齊卓子一大夫荀息也

為子君者不亦難

乎丕鄭如秦謝緩賂

緩遲也

乃謂穆公曰君厚問以召呂甥卻

稱冀芮而止之

問聘也謂報丕鄭之聘止留也

以師奉公子重耳臣之屬內

作晉君必出

屬七與大夫也必出惠公必出奔也

穆公使泠至報問

泠至秦大

夫也報問報丕鄭之聘且問遺呂甥之屬

且召三大夫鄭也與客將事

客泠至也

將事行聘事也

冀芮曰鄭之使薄而報厚

薄禮幣少也

其言我於秦

也必使誘我弗殺必作難

不殺鄭必作難於我

是故殺丕鄭及七

輿大夫

七輿申生下軍之衆大夫也

共華賈華叔堅駢欵纍虎特宮

山祁皆里丕之黨也丕豹出奔秦

豹丕鄭之子

丕鄭之自秦

反也而聞里克死見共華曰可以入乎共華曰二三子

皆在而不及

二三子七與大夫也不及謂罪不及也

子使於秦可哉

可入

也 丕鄭入君殺之 共賜謂共華

共賜華之族晉大夫

曰子行乎其

及也

行去也其及將見及也

共華曰夫子之入吾謀也將待及

言已

誤丕鄭將待禍及也

賜曰孰知之共華曰不可知而背之不信謀

而困人不知

謀不中為困

困而不死無勇任大惡三行將安

入

任荷也

子其行矣我姑待死

子共賜也

丕鄭之子曰豹出奔

秦謂穆公曰晉君大失其衆背君賂殺里克而忌處者

衆固不說

忌惡也處者國中大夫也

今又殺臣之父及七輿大夫此

其黨半國矣君若伐之其君必出穆公曰失衆安能殺

人言晉君失衆焉能使衆殺爾父及七輿大夫且夫禍惟無斃斃死也罪不至死則不為

亂足者不處罪足以死則不處國處者不足處國者不足以死也勝敗若化

化言轉化無常也猶不以禍為違孰能出君違去也謂不約以禍

故去其國誰能出君乎爾俟我俟待也待我國之

晉饑穀不熟曰饑在魯僖十三年乞糴於秦丕豹曰晉君無禮於君

衆莫不知無禮背賂也往年有難今又荐饑難謂殺里丕之黨仍饑曰荐

已失人又失天其殃也多矣失人里克也失天荐饑也君其伐之勿

予糴公曰寡人其君是惡其民何罪天殃流行國家代

有代更也補乏廢饑道也不可以廢道於天下廢進也謂公

孫枝曰予之乎

枝子桑也

公孫枝曰君有施於晉君晉君無

施於其衆今旱而聽於君其天道也

聽聽命於君也

君若弗予

而天子之

予之年也

苟衆不說其君之不報也則有辭矣

苟使

晉衆不說惠公不報秦施今不予
難則晉得以為辭故不可不予

不如予之以說其衆

衆說必咎其君其君不聽然後誅焉雖欲禦我誰與是

故汎舟於河歸糴於晉

汎浮也歸不反之辭也

秦饑公令河上輸

之粟

河上所許秦五城也

號射曰弗予賂地而予之糴

號射晉大夫

無

損於怨而厚於寇

厚猶強也

不若勿予公曰然慶鄭曰不可

慶鄭晉大夫

已賴其地而又愛其實

賴贏也實穀也

忘善而背德雖

我必擊之

我當秦處亦當擊晉

弗予必擊我公曰非鄭之所知也

遂不予六年秦歲定

惠公六年魯僖十五年定安也穀熟則民安

帥師侵晉

至於韓

韓晉地韓原也

公謂慶鄭曰秦寇深矣奈何

深入境深也一曰深

猶重也

慶鄭曰君深其怨能淺其寇乎非鄭之所知也君

其訊射也

訊問也射號射也

公曰舅所病也

病短也諸侯謂異姓大夫曰舅

卜

右慶鄭吉

右公戎車之右

公曰鄭也不孫

言不順不可以為車右

以家僕

徒為右

家僕徒

步揚御戎

步揚晉大夫御戎車也

梁由靡御韓

簡

由靡晉大夫韓簡晉卿韓萬之孫

號射為右

為簡車右

以承公

承次也

公

禦秦師令韓簡視師曰師少於我鬪士衆

欲鬪者衆

公曰何

故簡曰以君之出也處已

已秦也處已

入也煩已

為秦所立

饑食其糴三施而無報故來今又擊之秦莫不愠

愠怒也

晉莫不急

受其施而怠惰

鬪士是故衆公曰然今我不擊歸必

狃

狃伏也不擊而歸秦必狃伏而輕我也

一夫不可狃况國乎公令韓簡

挑戰

先挑戰敵

曰昔君之惠寡人未之敢忘寡人有衆能

合之弗能離也

弗能離言衆欲戰也

君若還寡人之願也君若不

還寡人將無所避穆公衡雕戈出見使者

衡橫也雕鏤也戈戟也

曰昔君之未入寡人之憂也君入而列未成寡人未敢

忘

列位也

今君既定而列成君其整列寡人將身見

若云朝見

實欲戰也

客還公孫枝進諫曰昔君之不納公子重耳而納

晉君是君之不置德而置服也置而不遂擊而不勝

遂成

也

其若為諸侯笑何君盍待之乎

待其亂將自斃也

穆公曰然

昔吾之不納公子重耳而納晉君是不置德而置服也

然公子重耳實不肯吾又奚言哉殺其內主

謂里正也

背其

外賂

外秦也

彼塞我施若無天乎云

云言也晉所行若言無有天也

若有

天吾必勝之

天道助順故必勝也

君揖大夫就車君鼓而進之晉

師潰戎馬濘而止

濘深泥也止戎馬陷焉

公號慶鄭曰載我

號呼也

慶鄭曰忘善而背德又廢吉卜

卜右慶鄭吉公廢不用

何我之載

鄭之車不足以辱君避也

避避難也

梁由靡御韓簡輅秦公

將止之

輅迎也

慶鄭曰釋來救君

釋舍也

亦不克救遂止於

秦

止獲也為秦所獲

穆公歸至于王城

王城秦地

合大夫而謀曰殺

晉君與逐出之與以之歸與復之孰利公子縶曰殺之

利

以為臣子絕望

逐之恐構諸侯

構交構也

以歸則國家多患

患惡也恐

知國家間隙之惡也

復之則君臣合作恐為君憂不若殺之公孫

枝曰不可恥大國之士於中原又殺其君以重之子思

報父之仇臣思報君之讎雖微秦國天下孰不患

微無也雖

無秦國天下諸侯有害

公子縶曰吾豈將徒殺之

徒空也

人君父者誰不患疾也

吾將以公子重耳代之晉君之無道莫不聞公子重耳

之仁莫不知戰勝大國武也殺無道而立有道仁也勝

無後害知也公孫枝曰恥一國之士又曰余納有道以

臨汝無乃不可乎

雖立有道君父之恥未刷

若不可必為諸侯笑戰

而笑諸侯不可謂武殺其弟而立其兄兄德我而忘其

親不可謂仁若勿忘是再施而不遂也不可謂知君曰

然則若何公孫枝曰不若以歸以要晉國之成

要結也成平也

復其君而質其適子使子父代處秦

代更也

國可以無害

是故歸惠公而質子圉

子圉惠公適子懷公也

秦始知河東之政

秦取河東之地而置官司故知河東之政在魯僖十五年

公在秦三月

內傳惠公以九月獲十一月歸

聞秦將成乃使卻乞告呂

甥

卻乞晉大夫呂甥瑕呂飴甥

呂甥教之言令國人於朝曰君使乞

告二三子曰秦將歸寡人寡人不足以辱社稷二三子

其改置以代圉也

欲令更命立它公子以代子圉言父子避位以感動羣下

且賞以

說衆衆皆哭焉作轅田

賈侍中云轅易也為易田之法賞衆以田易者易疆界也或云

轅車也以田出車賦

昭謂此欲賞以說衆而言以田出車賦非也唐云讓肥取境也

呂甥致衆

而告之曰吾君慙焉其亡之不恤

亡謂在外恤憂也

而羣臣是

憂不亦惠乎

憂謂改立君賞羣臣作轅田也

君猶在外若何衆曰何為

而可

何所施為
可以還君

呂甥曰以韓之病兵甲盡矣

病敗也

若征

繕以輔孺子以為君援

征賦也言當賦稅以繕
甲兵輔子圍以為君援

雖四鄰

之聞之也喪君有君羣臣輯睦兵甲益多好我者勸惡

我者懼庶有益乎衆皆說焉作州兵

二千五百家為州
使州長各帥其屬

繕甲
兵也

呂甥逆君於秦穆公訊之

訊問也

曰晉國和乎對曰

不和公曰何故對曰其小人不念其君之罪而悼其父

兄子弟之死喪者

謂韓之
戰敗也

不憚征繕以立孺子曰必報

吾讎寧事齊楚齊楚又交輔之

交夾也

其君子思其君且

知其罪曰必事秦有死無它故不和比其和之而來故

久公曰而無來吾固將歸君國謂君何對曰小人曰不

免君子則不公曰何故對曰小人忌而不思

忌怨也不思不思大

義願從其君而與報秦

君謂子固也

是故云

故言不免

其君子則

不曰吾君之入也君之惠也能納之能執之則能釋之

德莫厚焉惠莫大焉納而不遂廢而不起以德為怨君

其不然秦君曰然乃改館晉君

改更也初秦伯拘晉侯於靈臺將復之故更舍

之於饋七牢焉

牛羊豕為一牢饗餼七牢侯伯之禮也

公未至蛾析謂慶鄭

蛾析晉大夫

曰君之止子之罪也

止獲也

今君將來子何俟慶鄭曰鄭也聞之曰軍敗死之將止

死之二者不行又重之以誤人而喪其君

誤人誤梁由靡令君見獲

也 有大罪三將安適

適之也

君若來將待刑以快君志君

若不來將獨伐秦

獨帥其屬

不得君必死之此所以待也

所以

不去待為此也

臣得其志

志謂出奔也

而使君曹是犯也

曹慙也犯犯逆也

君行犯猶失其國而况臣乎公至于絳郊聞慶鄭止使

家僕徒召之曰鄭也有罪猶在乎慶鄭曰臣怨君始入

而報德不降

不自降下而背秦也

降而聽諫不戰

慶鄭諫公使與秦耀若公降心

聽之可不戰

戰而用良不敗

良善也卜右慶鄭吉不用又乘鄭小駟不用良馬故敗

既

敗而誅又失有罪

若鄭出亡是失有罪

不可以封國

不可以守封國也

臣

是以待即刑以成君政君曰刑之慶鄭曰下有直言臣

之行也

行道也

上有直刑君之明也

言刑殺得正此人君之明也

臣行

君明國之利也君雖弗刑必自殺也蛾析諫曰臣聞之

奔刑之臣

奔趨也

不若赦之以報讎

讎秦也

君盍赦之以報

于秦梁由靡曰不可我能行之秦豈不能

能行之謂能赦罪以報讎

也秦豈獨不能乎

且戰不勝而報之以賊不武出戰不克入處

不安不知

出戰不克謂韓時也入處不安謂今也欲復伐秦故不得安也

成而反之不

信

成平也與秦始平而又反之不信

失刑亂政不威

有罪不殺為失刑失刑則政亂政亂

則威不行也

出不能用入不能治敗國且殺孺子

孺子子圍也秦復惠

公而質子圍君伐秦秦必殺之

不若刑之君曰斬鄭無使自殺家僕徒

曰有君不忌有臣死刑

忌怨也

其聞賢於刑之梁由靡曰

夫君政刑是以治民不聞命而擅進退犯政也

言慶鄭擅進退

快意喪君犯刑也鄭也賊而亂國不可失也且戰而自

退退而自殺臣得其志君失其刑後不可用也

不可復用戰也

君命司馬說刑之

司馬軍司馬說其名也

司馬說進三軍之士而

數慶鄭曰夫韓之誓曰失次犯令死

次行列也令軍令也

將止不

面夷死

將帥也止獲也夷傷也

偽言誤衆死今鄭失次犯令而罪

一也鄭擅進退而罪二也女誤梁由靡使失秦公而罪

三也君親止女不面夷而罪四也鄭也就刑慶鄭曰說

三軍之士皆在

皆在此也

有人能坐待刑而不能面夷

言我能坐

待死而不能面夷乎怨君不用忠言忘善背德也

趣行事乎

趣司馬行其刑也

丁丑斬


慶鄭乃入絳十五年惠公卒懷公立

懷公子圉也魯僖二十二年自秦逃

歸秦乃召重耳於楚而納之晉人殺懷公於高梁

高梁晉地

而授重耳實為文公



國語卷九

欽定四庫全書

史部
國語卷十四

詳校官編修_臣曹錫齡

編修_臣裴謙度助

總校官進士_臣繆琪

校對官中書_臣王鍾泰

謄錄監生_臣翟灝

欽定四庫全書

國語卷十

晉語四

吳韋昭注

文公在翟十二年

文公歸藏公庶子重耳也避驪姬之難魯僖五年歲在大火自蒲奔翟至

十六年歲在壽星故在翟十二年

狐偃曰吾來此也

狐偃文公舅子犯也日往日也

非以翟為桀可以成事也

桀無也成事威反國之事

吾曰奔而易達

也

困而有資

資財也

休以擇利可以戾也

休息也戾定也

今戾

久矣戾久將底

底止也

底箸滯淫

箸附也滯廢也淫久也

誰能興之

興起也

盍速行乎吾不適齊楚避其遠也蓄力一紀可以

遠矣

蓄養也十二年歲星一周為一紀

齊侯長矣而欲親晉

齊侯桓公也長老也

是歲桓公為淮之會明年而卒

管仲沒矣多讒在側

沒終也讒謂易牙豎刁之屬

謀

而無正衷而思始

無正無正從也衷中也中道思其初時也

夫必追擇前言

求善以終

前言管仲忠善之言

厭邇逐遠遠人入服不為邇矣

邇近

也逐求也邇過也

會其季年可也

季末也勸使文公適齊會桓公季末之年可也

茲可

以親

茲此也

皆以為然乃行過五鹿乞食於野人

五鹿衛邑不見

禮故乞食

野人舉塊以與之

塊塊也

公子怒將鞭之子犯曰天

賜也民以土服又何求焉

言民奉土以服公子

天事必象

必先有象

十

有二年必獲此土

後十二年必得五鹿

二三子志之

志識也

歲在壽

星及鶉尾其有此土乎

歲歲星也自軫十二度至氐四度為壽星之次自張十七度至

軫十一度為鶉尾之次歲在壽星謂得塊之歲魯僖十

六年也後十一年歲在鶉尾必有此五鹿地也魯僖二

十七年歲在鶉尾二十八年歲復在壽星晉文公伐衛

正月六日戊申取五鹿周正月夏十一月也正天時以

夏時故歲

天以命矣

命告也謂野人奉塊

復於壽星必獲諸侯

歲復

在壽星謂魯僖二十八年也是歲四月文公敗楚師於

城濮合諸侯於踐土五月獻俘於王王策命之以為侯

伯故得諸侯

天之道也

天之數不過十二

由是始之

由從也從得塊始

有此

其以戊申乎

有此五鹿當以戊申日也

所以申土也

日以戊申戊土也申申廣土地

也

再拜稽首受而載之

拜天賜受塊而載之

遂適齊齊侯妻之甚

善焉

桓公以女妻之遇之甚善

有馬二十乘

四馬為乘八十匹也

將死於齊而

已矣曰民生安樂誰知其它桓公卒

在齊一年而桓公卒

孝公即

位

孝公桓公予昭也即位

諸侯畔齊子犯知齊之不可以

動

動謂求反國也

而知文公之安齊而有終焉之志也欲行而

患之

患文公不肯去也

與從者謀於桑下

從者趙聚之屬

蠶妾在焉

在桑

也莫知其也在也妾告姜氏姜氏殺之

殺之以滅口也時諸侯畔齊壻又欲

去恐孝公怒

而言於公子曰從者將以子行其聞之者吾已

除之矣子必從之不可以貳

也貳疑

貳無成命

疑則不成天命

詩

云上帝臨女無貳爾心

詩大雅大明之七章也上帝天也女謂武王也言天臨護女伐

紂必克無有疑心

先王其知之矣貳將可乎

言武王知天命不可以疑故卒有天

下子去晉難而極於此

極至也

自子之行晉無寧歲民

無成君

成定也謂奚齊卓子殺死惠公無親內外惡之

天未喪晉無異公子

同生

九人惟重耳在

有晉國者非子而誰子其勉之上帝臨子矣貳

必有咎

天子不取故必有咎

公子曰吾不動矣必死於此姜曰不

然周詩曰芻芻征夫每懷靡及

詩小雅皇皇者華之首章也芻芻衆多也征行

也懷私為每懷言臣奉命當念在公每輒懷私將無所及

夙夜征行不遑啓處猶懼

無及

夙蚤也行道也遑暇也啓跪也處居也

況其順身縱欲懷安將何及

矣人不求及其能及乎

求及求及時也

日月不處人誰獲安西

方之書有之曰懷與安實疚大事

西方謂周也詩云誰將西歸又曰西方之

人皆謂周也安自安也疚病也

鄭詩云仲可懷也人之多言亦可畏也

詩鄭風將仲子之卒章也仲祭仲也懷思也言雖欲從心思仲猶能畏人自止見可懷思可畏也

昔管

敬仲有言小妾聞之

敬仲夷吾字也

曰畏威如疾民之上也

畏威

如畏疾病此民之上行

從懷如流民之下也

從心所思如水流行此民之下行

見

懷思威民之中也

威畏也見可懷則思可畏此民之中行

畏威如疾乃能

威民

言能畏上乃能威下

威在民上弗畏有刑

能威民故在人上不畏威則有刑罪

從懷如流去威遠矣故謂之下

去威遠言不能威民也

其在辟也

吾從中也

辟罪也弗畏有刑故云罪高不在上下欲避罪故從中也

鄭詩之言吾其

從之

從其畏人之多言也

此大夫管仲之所以紀綱齊國裨輔先

君而成霸者也子而棄之不亦難乎

裨補也

齊國之政敗

矣晉之無道久矣從者之謀忠矣時日及矣公子幾矣

幾近也言重耳得國時日近也

君國可以濟百姓而釋之者非人也

濟成

也釋置也

敗不可處

敗謂齊也

時不可失忠不可棄懷不可從子

必速行吾聞晉之始封也

始封謂唐叔虞

歲在大火閼伯之星

也實紀商人

商殷也自氏五度至尾九度為大火之次閼伯陶唐氏之火正居於商丘祀大火死

以配食相土因之故商主大火實紀商之吉凶也

商之饗國三十一王

自湯至紂 瞽

史之記曰唐叔之世將如商數

瞽史知天道者

今未半也

自唐叔至

惠公十四世故曰未半

亂不長世

不長世亂當有平時也

公子唯子子必有晉

若何懷安公子弗聽姜與子犯謀醉而載之以行醒以

戈逐子犯曰若無所濟吾食舅氏之肉其知厭乎舅犯

走且對曰若無所濟余未知死所誰能與豺狼爭食

戰死

原野公子將走不暇豈能復與豺狼爭食我乎

若克有成公子無亦晉之柔嘉

是以甘食

無亦不亦也柔腕也嘉美也

偃之肉腥臊將焉用之遂行

過衛衛文公有邢翟之虞不能禮焉

衛文公宣公之孫昭伯頑之子熈也

虞備也是歲魯僖十八年冬邢人翟人伐衛圍苑圃文公師于營婁以退之故不能禮焉

甯莊子

言於公

莊子衛正卿穆仲靜之子甯速也

曰夫禮國之紀也親民之結

也

君親其親所以結民心使相親也

善德之建也

建立也言能善善所以立德也

國無

紀不可以終民無結不可以固德無建不可以立此三

者君之所慎也今君棄之無乃不可乎晉公子善人也

而衛親也君不禮焉棄三德矣

晉祖唐叔武王之子衛祖康叔文王之子故曰

親三德謂禮賓親親善善也

臣故云君其圖之康叔文之昭也唐叔

武之穆也

自祖以下一昭一穆故康叔為文昭唐叔為武穆

周之大功在武

謂始

伐紂定天下也

天昨將在武族

族嗣也

苟姬未絕周室而俾守天

聚者必武族也

聚財衆也

武族惟晉實昌晉盾公子實德晉

仍無道

仍重也

天昨有德晉之守祀必公子也若復而修

其德鎮撫其民必獲諸侯以討無禮君弗蚤圖衛而在

討小人是懼敢不盡心公弗聽自衛過曹曹共公亦不

禮焉

共公曹昭公之子曹伯襄也

聞其骭脅欲觀其狀

骭并幹也

止其舍

謀其將浴設微薄而觀之

謀候也微薄也

僖負羈之妻言

於負羈

負羈曹大夫

曰吾觀晉公子賢人也其從者皆國相

也以相一人必得晉國得晉國而討無禮曹其首誅也

子盍蚤自貳焉

貳猶別也

僖負羈餽殮寘壁焉

熟食曰殮寘置也置壁於

下公子受飧反璧負羈言於曹伯曰夫晉公子在此君

之匹也君不亦禮焉曹伯曰諸侯之亡公子其多矣誰

不過此亡者皆無禮者也余焉能盡禮焉對曰臣聞之

愛親明賢政之幹也

幹楨也

禮賓矜窮禮之宗也

宗本也

禮

以紀政國之常也

紀理也

失常不立君所知也

失常則政不立

國君無親國以為親

僚以官相親君以國相親

先君叔振出自文王

文王子也晉祖唐叔出自武王

武王子也

文武之功實建諸姬故二

王之嗣世不廢親今君棄之是不愛親也晉公子生十七

年而亡

亡奔也

卿材三人從之可謂賢矣

三人狐偃趙衰賈佗

而君

蔑之是不明賢也晉公子之亡不可不憐也比之賓客

不可不禮也失此二者是不禮賓不憐窮也守天之聚

將施於宜宜而不施聚必有闕

宜義也闕缺也

玉帛酒食猶糞

土也愛糞土以毀三常

三常政之幹禮之宗國之常也

失位而闕聚是

之不難無乃不可乎君其圖之公弗聽公子過宋

自曹適宋

與司馬公孫固相善

固宋莊公之孫大司馬固也相善相說好

公孫固言於

襄公曰晉公子亡長幼矣

襄公宋桓公子茲父也長幼從幼至長也

而好善

不厭父事狐偃師事趙衰而長事賈它

長兄事之

狐偃其舅

也而惠以有謀趙衰其先君之戎御趙夙之弟也而文

以忠貞

趙衰晉卿公明之少子成子衰也先君獻公戎御御戎車也傳曰趙夙御戎

賈它公

族也而多識以恭敬

賈它狐偃之子狐射姑大師賈季也公族姬姓也食邑於賈字季

此三人者實左右之公子居則下之動則咨焉成幼而

不倦

成幼自幼至成人也

殆有禮矣樹於有禮必有艾

樹種也艾報也

商

頌曰湯降不遲聖敬日躋

長發之三章也降下也躋升也言湯之尊賢下士甚疾故

其聖敬之道日升聞於天

降有禮之謂也

降已於有禮也

君其圖之襄公從

之贈以馬二十乘公子過鄭鄭文公亦不禮焉

文公鄭厲公之

子捷叔詹諫曰臣聞之

叔詹鄭大夫

親有天

有天天所啟也

用前訓

前訓

先君之教禮兄弟資窮困

資稟也

天所福也今晉公子有三胙

焉天將啟之

啟闡也

同姓不婚惡不殖也

殖蕃也

狐氏出自

唐叔

狐氏重耳外家與晉俱唐叔之後別在大戎者

狐姬伯行之子也實生重

耳

伯行狐突字

成而雋才離違而得所

言成人而有雋才也違去也離禍去國舉

動得所

久約而無釁一也

釁瑕也

同出九人惟重耳在

同出同父

也離外之患而晉國不靖二也

靖治也

晉侯日載其怨外

內棄之

載成也

重耳日載其德狐趙謀之三也在周頌曰

天作高山大王荒之

天作之首章也作生也高山岐山也荒大也言天生此高山使興雲

雨大王則秩祀而尊大之

荒大之也大天所作可謂親有天矣晉鄭

兄弟也吾先君武公與晉文侯戮力一心股肱周室夾

輔平王

武公鄭桓公之子滑突也文侯晉穆侯之子仇也戮并也一同也

平王勞而德

之而賜之盟質曰世相起也

質信也起扶持也

若親有天獲三

胙者可謂大天

三胙謂成而僞才晉國不靖狐趙謀之也

若用前訓文侯之

功武公之業可謂前訓

業事也前訓二國同心之訓

若禮兄弟晉鄭

之親王之遺命可謂兄弟

晉鄭同姓王之遺命又使相起可謂兄弟

若資窮

困亡在長幼還軫諸侯可謂窮困

軫車後橫木也還軫猶回車周歷諸國遭

離阮困

棄此四者以徼天禍無乃不可乎

徼要也四者有天前訓兄弟困

窮君其圖之弗聽叔詹曰若不禮焉則請殺之諺曰黍

稷無成不能為榮

稷梁也無成謂死也榮秀也

黍不為黍不能蕃廡

為成也蕃滋也廡豐也

稷不為稷不能蕃殖

殖長也

所生不疑惟德

之基

所生謂種黍得黍種稷得稷惟在所樹言禍福亦猶是也若不禮重耳則當除之不爾則宜厚之如

此不疑是為德基也

公弗聽遂如楚楚成王以周禮享之九獻庭

實旅百

成王楚武王之孫文王之子熊頤也九獻上公之享禮也庭實庭中之陳也百舉成數也周禮

上公出入五積饗餼九牢米百有二十鬯醴醢百有二十罍禾五十車芻薪倍禾

公子欲辭

不敢

當禮子犯曰天命也君其饗之

天命天使之也饗食也

亡人而國薦

之

薦進也以國君之禮薦進之

非敵而君設之

非體敵而設之如人君也

非天誰

啟之心既饗楚子問於公子曰子若克復晉國何以報

我公子再拜稽首對曰子女玉帛則君有之

有之楚自多也子女

美女

羽旄齒革則君地生焉

羽鳥羽也旄旄牛尾也齒象牙也革

犀兕皮也皆生於楚

其波及晉國者君之餘也又何以報

波流也

王

曰雖然不穀願聞之

曲禮曰四夷之大國於境內自稱不穀

對曰若以君

之靈

靈神也

得復晉國晉楚治兵會於中原其避君三舍

治兵謂征伐也古者師行三十里而舍三舍為九十里司馬法曰進退不過三舍禮也

若不獲命

不獲楚還

師之命

其左執鞭弭右屬櫜鞬以與君周旋

鞭所以擊馬傳

曰雖鞭之長不及馬腹爾雅曰弓無緣者謂之弭櫜矢

房鞬弓弦也言以禮避君君不旋乃敢左執弓右屬手

於房以取矢與君

令尹子玉曰請殺晉公子

子玉楚若敖之曾孫

周旋相馳逐也

令尹成得臣也弗殺而反晉國必懼楚師王曰不可楚師之懼

我不修也

我德不修也

我之不德殺之何為天之昨楚誰能

懼之楚不可昨冀州之土其無令君乎

晉在冀州

且晉公子

敏而有文

敏達也文有文辭也

約而不諂

在約困之中而辭不諂屈也

三材傳

之天昨之矣

謂狐趙賈三人也

天之所興誰能禦之子玉曰然

則請止狐偃

止謂留為質也

王曰不可曹詩曰彼已之子不遂

其媾郵之也

曹風候人之三章也遂終也媾厚也郵過也

夫郵而效之郵又

甚焉效郵非義也於是懷公自秦逃歸

懷公子圉也為質於秦于魯僖

二十二
年逃歸

秦伯召公子於楚

秦伯穆公也

楚子厚幣以送公子

于秦秦伯歸女五人懷嬴與焉

歸嫁也懷嬴故子圉妻子圉逃歸立為懷公故

曰懷嬴與焉
與為媵也

公子使奉匱沃盥既而揮之

婚禮嫡入于室媵御奉匱

盥揮

嬴怒曰秦晉匹也何以卑我

匹敵也卑賤也

公子懼降服

囚命

懼嬴之訴降服徹上服囚命自囚以聽命也

秦伯見公子曰寡人之適

此為才

適適妃子也

子圉之辱備嬪嬙焉

辱質於秦時嬪嬙婦官也

欲以

成婚而懼離其惡名非此則無故

言欲以成婚懼以為子圉妻恐離其惡名

非有此則無它故

不敢以禮致之歡之故也

不敢以婚姻正禮致之而令與於五

人歡愛此女之故

公子有辱寡人之罪

辱謂降服也言寡人不備禮故令公子卑之此

自寡人之罪

惟命是聽

進退此女聽公子命

公子欲辭

嫌於骨肉相取已欲辭不取也

欽定四庫全書

國語

十二

司空季子曰同姓為兄弟

季子晉大夫胥臣曰季也後為司空賈侍中云兄弟婚姻

之稱也昭謂同姓為兄弟謂同父而生得姓同者乃為兄弟以言惠公重耳其姓不同則子圍道路之人可以

妻其

黃帝之子二十五人其同姓者二人而已惟青陽

與夷鼓皆為已姓

其二人相與同德故俱為已姓青陽金天氏帝少昊也

青陽方

雷氏之甥也夷鼓彤魚氏之甥也

方雷西陵氏之姓也彤魚國名帝繫曰黃

帝取於西陵氏之子曰累祖實生青陽姊妹之子曰甥雷累聲同

其同生而異姓者四

母之子別為十二姓凡黃帝之子二十五宗

唐尚書云繼別為小

宗非也繼別為大宗別子之庶孫乃為小宗耳

其得姓者十四人為十二姓

得姓

以德居官而賜之姓也謂十四人
而二人為姬二人為己故十二姓
姬酉祁已滕箴任荀

僖姑伋依是也惟青陽與倉林氏同于黃帝故皆為姬

姓

二十五宗惟青陽與倉林
德及黃帝同姓為姬也

同德之難也如是

言德自
黃帝同

之難也
如是

昔少典取于有蟠氏生黃帝炎帝

賈侍中云少
典黃帝炎帝

之先有蟠諸侯也炎帝神農也虞唐云少典黃帝炎帝
之父昭謂神農三皇也在黃帝前黃帝滅炎帝滅其子
孫耳明非神農可知也言生者謂二帝本所生出也內
傳高陽高辛氏各有才子八人謂其裔子耳賈君得之

黃帝以姬水成炎帝以姜水成

姬姜水名也成謂
所生長以成功也

成而

異德故黃帝為姬炎帝為姜二帝用師以相濟也異德

之故也

濟富為擠擠滅也傳曰黃帝戰于阪泉是也

異姓則異德異德則異

類異類雖近男女相及以生民也

重耳懷羸之舅故又言此以勸之也近謂

有屬名也相及相嫁取也

同姓則同德同德則同心同心則同志同

志雖遠男女不相及畏黷敬也

畏褻黷其類也

黷則生怨怨亂

毓災災毓滅姓

毓生也

是故取妻避其同姓畏亂災也故

異德合姓同德合義

合姓合二姓為婚姻也合義以德義相親

義以道利

有義

則利

利以阜姓

阜厚也

姓利相更成而不遷

更續也遷離散也

乃

能攝固保其土房

攝持也保守也房居也

今于於子圉道路之人

也言德姓異也取其所棄以濟大事不亦可乎公子謂子犯

曰何如對曰將奪其國何有於妻惟秦所命從也言將奪其

國何辭於妻初奚齊卓子死秦伯欲納重耳子犯難之

以為不可今更言此者子圉無道害重耳使狐突召子

犯及其兄毛突不召而殺之故重耳子犯皆怨之謂子餘曰何如子餘趙衰字對曰

禮志有之曰將有請於人必先有入焉必先有以自入也欲人

之愛已也必先愛人欲人之從已也必先從人無德於

人而求用於人罪也言不先施德於人而求人為已用者是罪也今將婚媾

以從秦重婚曰媾從其命也受好以愛之受其所好而親愛之聽從以德

之使已懼其未可也又何疑焉乃歸女而納幣且逆之

歸女納幣更成婚禮逆親迎也他日秦伯將饗公子公子使子犯從子

犯曰吾不如衰之文也文文辭也請使衰從乃使子餘從秦

伯饗公子如饗國君之禮子餘相如賓詔相重耳如賓禮也卒事

秦伯謂其大夫曰為禮而不終恥也言此為明日將復燕中不勝

貌恥也勝當為稱中不稱貌情貌相違也華而不實恥也有華色而無實事不

度而施恥也不度已力而施德施而不濟恥也濟成也恥門不閉

不可以封五恥之門不閉塞者不可以封國為諸侯也非此用師則無所矣

非能開此五取之門則用師無所也二三子敬乎設此五者明日燕秦伯賦采叔

采叔五章屬小雅王賜諸侯命服之樂也其首章曰君子來朝何錫予之雖無予之路車乘馬子餘使公

子降拜降下堂也秦伯降辭子餘曰君以天子之命服命重耳

重耳敢有安志敢不降拜成拜卒登子餘使公子賦黍苗

黍苗亦小雅道邵伯述職勞來諸侯也其詩曰芄芄黍苗陰雨膏之悠悠南行邵伯勞之子餘曰重耳

之仰君也若黍苗之仰陰雨也若君實庇蔭膏澤之使能

成嘉穀薦在宗廟君之力也在宗廟為祭主君若昭先君之榮東

行濟河整師以復疆周室重耳之望也先君謂秦襄公討西戎有功賜爵為

伯有榮耀也

重耳若獲集德而歸載

集成也載祀也

使主晉民成封國

其何實不從

言實從也

君若忍志以用重耳

用使征伐也

四方諸侯

其誰不惕惕以從君命秦伯歎曰是子將有焉豈專在寡

人乎秦伯賦鳩飛

鳩飛小雅小宛之首章曰宛彼鳴鳩翰飛戾天我心憂傷念昔先人明發不寐

有懷二人言已念晉先君洎穆姬不寐以思安集晉之君臣也詩序云文公遭驪姬之難未反而秦姬卒言已念傷

亡人思成公子也

公子賦河水

河當作沔字相似誤也其詩曰沔彼流水朝宗于海言已反國

當朝秦伯賦六月

六月小雅道尹吉甫佐宣王征伐復文武之業其詩云王于出征以

匡王國其二章曰以佐天子其三章曰共武之服以定王國此言重耳為君必霸諸侯以匡佐天子也

子餘使公子降拜秦伯降辭子餘曰君稱所以佐天子

匡王國者以命重耳重耳敢有惰心敢不從德稱舉也公

子親筮之曰尚有晉國著曰筮尚上也命筮之禮曰某子尚享之得貞屯

悔豫皆八也內曰貞外曰悔震下坎上屯坤下震上豫得此兩卦震在屯為貞在豫為悔八謂震

兩陰爻在貞在悔皆不動故曰皆八謂爻無為也筮史占之皆曰不吉筮史筮人掌以

三易辨九筮之名一夏連山二殷歸藏三周易以連山歸藏占此兩卦皆言不吉閉而不通爻

無為也閉壅也震為動動遇坎坎為險阻閉塞不通無所為也司空季子曰吉是

在周易皆利建侯建立也以周易占之二卦皆吉也屯初九曰利建侯豫大象曰利建侯行

吉師

不有晉國以輔王室安能建侯我命筮曰尚有晉國

筮告我曰利建侯得國之務也吉孰大焉

務猶趨也

震車也

易坤為大車震為動為雷今云車者車亦動聲象雷其為小車乎

坎水也坤土也屯厚

也豫樂也車班外內順以訓之

車震也班徧也徧外內者謂屯之內有震豫之

外亦有震坤順也豫內為坤屯二與四亦為坤

泉原以資之

資財也屯三至五豫二至四皆有艮

象豫三至五有坎象艮山坎水水在山上為泉源流而不竭也

土厚而樂其實不有晉

國何以當之

屯豫皆有坤象重坤故厚豫為樂當應也

震雷也車也坎勞也

水也泉也

易以坤為泉坎為水水亦泉之類故云

主雷與車

內為主也

而尚水

與衆

坎象皆在上故尚水與衆

車有震武也

震威也車聲軒隆象有威武

衆而順

文也

坤為衆為順為文象有文德為衆所歸

文武具厚之至也故曰屯

屯厚

也

其繇曰元亨利貞勿用有攸往利建侯

繇卦辭也亨通也貞正也

攸所也往之也小人勿用有所之君子則利建侯行師

主震雷長也故曰元

元內為主震

為長男為雷雷為諸侯故曰元元善之長也

衆而順嘉也故曰亨

嘉善也衆順服善故

曰亨嘉之會也內有震雷故利貞

屯內有震賁侍中云震以動之利也侯以正國貞也利義

之和也貞車上水下必伯

車上水下必伯

車震也水坎也車動而上威也水動而下順也有威而衆

從故必伯也

小事不濟壅也故曰勿用有攸往

濟成也小事小人之事壅

震動而遇坎坎為險阻故曰勿用有所往

一夫之行也

一夫一人也易曰震一索而得男故曰一

夫又曰震為足故為行也

衆順而有武威故曰利建侯

覆速上事

坤母也

震長男也母老子彊故曰豫

豫樂也

其繇曰利建侯行師

居樂出威之謂也

居樂母在內也出威震在外也居樂故利建侯出威故利行師

是二

者得國之卦也

二者屯豫也

十月惠公卒十二月秦伯納公

子

內傳魯僖二十三年九月晉惠公卒而此云十月賈侍中以為閏餘十八閏在十二月後魯失閏以閏月

為正月晉以九月為十月而置閏也秦伯以十二月始納公子公子以二十四年正月入晉桑泉

及河

子犯授公子載璧

載祀也授還也

曰臣從君還軫巡於天下惡

其多矣也也臣猶知之而况君乎不忍其死請由此亡

亡奔公子曰所不與舅氏同心者有如河水沈璧以質

如往也質信也言若不與舅氏同心不齊此河往而死也因沈璧以自誓為信董因迎公於河

因晉大夫周太史辛有之後也傳曰辛有之二子董之晉故晉有董史公問焉曰吾其濟

乎對曰歲在大梁將集天行元年始受實沈之星也在歲

大梁謂魯僖二十三年歲星在大梁之次也集成也行

道也言公將成天道也公以辰出晉祖唐叔所以封也

而以參入晉星也元年謂文公即位之年魯僖二十四

年歲星去大梁在實沈之次受受于大梁也自胃七度

至畢十一度為大梁自畢十實沈之虛晉人是居所以

二度至東井十五度曰實沈

興也

虛次也是居居其分次所主祀也傳曰高辛氏有子季曰實沈遷于大夏主祀參唐人是因成王滅

唐而封叔虞南有晉水子

變改為晉侯故參為晉星今君當之無不濟矣

當歲星在實沈

之虛故無不成

君之行也歲在大火大火閼伯之星也是謂大

辰

君之行謂魯僖五年重耳出奔時歲在大火大火大辰也傳曰高辛氏有子曰閼伯遷于商丘祀大火

辰以成善后稷是相唐叔以封

成善謂辰為農祥周先后稷之所經緯以成善

道相視也謂祀農祥以成農事封者唐叔封時歲在大火

瞽史記曰嗣續其祖如穀

之滋必有晉國

史記云唐叔之世將如商數今言嗣續其祖明趣同也言晉子孫將繼續其先

祖如穀之蕃滋故必有晉國

臣筮之得泰之八

乾下坤上泰遇泰無動爻筮為侯泰三至

五震為侯陰爻不動其數皆八故曰是謂天地配亨小

得泰之八與貞屯悔豫皆八義同

往大來陽下陰升故曰配亨小諭子園大諭文公陰在外為小往陽在內為大來

今及之矣

何不濟之有且以辰出而以參入皆晉祥也

辰大火也參伐也參

在寅沈之次

而天之大紀也

所以大紀天時也傳曰大火為大辰伐亦為大辰辰時也

濟且秉成必霸諸侯

秉執也

子孫賴之君無懼矣公子濟

河召令狐臼衰桑泉皆降

三者皆晉邑召召其長也

晉人懼懷公奔

高粱

高梁晉地

呂甥冀芮帥師甲午軍于廬柳

甲午魯僖二十四年二月

六日廬柳晉地軍猶屯也

秦伯使公子絳如師

告晚呂冀

師退次于郕

鄭

地退師聽命也

辛丑狐偃及秦晉大夫盟于郕壬寅公入于晉

師甲辰秦伯還

秦伯送公子于河上公入而還

丙午入于曲沃丁未入

于絳即位于武宮戊申刺懷公于高粱

刺殺也

初獻公使寺人勃鞞伐公於蒲城

勃鞞寺人披也伐蒲城在魯僖五年

文公踰垣勃鞞斬其袪

袪袂也

及入勃鞞求見公辭焉曰

驪姬之讒爾射予于屏內

樹謂之屏禮諸侯內屏

困予于蒲城斬

予衣袪又為惠公從予于渭濱

濱涯也重耳在翟從翟君獵于渭濱勃鞞為惠

公就殺之

命曰三日若宿而至

命使三日一宿而至若汝也

若干二命以

求殺予

干犯也二命獻惠之命

予於伯楚屢困何舊怨也

伯楚勅親字也

屢數也數見困有何舊怨也

退而思之異日見我對曰吾以君為已

知之矣故入

知為君為臣之道也入反國也

猶未之知又將出矣

猶未知之

將復失國出走也

事君不貳是謂臣好惡不易是謂君

易反

君

君臣臣是謂明訓

訓教也

明訓能終民之主也二君之世

蒲人翟人予何有焉

當獻惠之世君為蒲人翟人耳二君之所惡也于我有何義而不殺

乎除君之惡惟力所及何貳之有今君即位其無蒲翟

乎獨無有所畏惡如蒲翟者乎

伊尹放太甲而卒以為明王

太甲湯孫太丁

子也不明而伊尹放之桐宮三年
太甲改過伊尹復之卒為明王
管仲賊桓公而卒以

為侯伯

賊謂為子糾射桓公也

乾時之役申孫之矢集于桓鉤

乾時

之戰在魯莊九年申孫矢名鉤帶鉤也

鉤近於袪而無怨言

近害近也鉤在腹袪在手

佐相以終克成令名今君之德宇何不寬裕也

宇覆也

惡

其所好其能久矣

言已忠臣君所當好而反惡之能久為君乎

君實不能明

訓而棄民主

棄為民主之道

予臯戾之人也又何患焉

勃鞞閭士故曰

臯戾之人且不見我君其無悔乎於是呂甥冀芮畏偪悔納

公謀作亂

此二子本惠公黨畏見逼害故謀作亂

將以已丑焚公宮

已丑魯僖

二十四年三月朔
時以為二月晦

公出救火而遂殺之伯楚知之故求

見公公懼遽見之

遽疾也

曰豈不如女言然是吾惡心也

惡心心惡謂不怨也

吾請去之伯楚以呂卻之謀告公公懼乘駟

自下脫會秦伯于王城

駟傳也自從也下下道也脫會適行潛逃之言也王城秦河上

邑告之亂故及己丑公宮火二子求公不獲遂如河上

秦伯誘而殺之

文公之出也豎頭須守藏者也不從

豎文公內豎里鳧須也公出不從竊

藏以逃盡用以求納公

公入乃求見公辭焉以沐謂謁者曰沐則

心覆

謁告也覆反也沐低頭故言心反也

心覆則圖反宜吾不得見也從

者為羈紲之僕

馬曰羈犬曰紲言二者臣僕之役也

居者為社稷之守何

必臯居者國君而讎匹夫懼者衆矣謁者以告公遽見之

元年春公及夫人嬴氏至自王城

文公元年魯僖二十四年賈侍中云是月

失閏以三月為四月故曰春而不言其月明四月為春分之月也嬴氏秦穆公女文嬴也或云夫人辰嬴也傳

曰辰嬴賤班在九人非夫人也賈得之

秦伯納衛三千人賈紀綱之僕

所以

設國紀綱也為之備衛僕使

公屬百官賦職任功

屬會也賦授也授職事任有功也

棄責薄斂施舍分寡

棄責除宿責也施施德也舍舍禁也分寡分少財也

救乏振

滯匡困資無

救乏救乏絕也振拯也拯淹滯之士輕關匡正也正窮困之人資無予無財者

易道通商寬農

輕關輕其稅也易道除盜賊也通商利商旅也寬農寬其政不奪其時

稽勸分省用足財

懋勉也勉稼穡也勸分勸有分無也省用減國用也足財備凶年也

利器明德以厚民性

利器利器用也明德明德教也厚民性厚其情性

舉善援

能官方定物

方常也物事也立其常官以定百事

正名育類

正名正上下服位之名育

長也類善也

昭舊族

昭明也舊族舊臣有功者之族

愛親戚明賢良

明顯也尊

貴寵

國之貴臣尊禮之

賞功勞事考老禮賓旅

旅客也

友故舊

故舊

為公子時也

胥籍狐箕樂卻栢先羊舌董韓實掌近官

十一
族晉

之舊姓近官朝廷者

諸姬之良掌其中官

諸姬同姓也中官內官也

異姓之能

掌其遠官

遠官縣鄙也

公食貢大夫食邑士食田

受公田也庶人

食力

各由其力

工商食官

工百工商官賈也周禮府藏皆有賈人以知物賈食官官粟之

卑

隸食職

士臣卑卑臣興與臣隸食職各以其職大小食祿也

官宰食加

官宰家臣也加大夫

之加田也論語注原憲為家邑宰

政平民阜財用不匱

阜安也

冬襄王避昭叔之難居于鄭地汜

文公元年冬也襄王周惠王之子昭叔襄

王弟大叔帶也是為甘昭公故曰昭叔惠王生襄王以為太子又娶于陳曰惠后生昭叔惠后將立之未及而

卒昭叔奔齊襄王復之又通于襄王之后翟懼王廢隗氏翟人伐周故襄王避之于汜汜地名使來告

難亦使告于秦

王使簡師父告晉亦使左鄆父告秦

子犯曰民親而未知

義也

親親君也未知義故未和也

君盍納王以教之義

使知尊上之義

若不

納秦將納之則失周矣

失所以事周也

何以求諸侯

無以為諸侯盟主

不能修身而又不能宗人人將焉依

宗尊也

繼文之業定

武之功

文晉文侯仇也平王東遷文侯輔之受主壻桓鬯武重耳之祖武公稱也始并晉國

啟土

安疆於此乎在矣君其務之

在此納王也

公說乃行賂于草

中之戎與麗土之翟以求東道

二邑戎翟間在晉東

二年春公以

二軍下次于陽樊

二軍左右軍也東行曰下陽樊周邑

右師取昭叔于溫

殺之于隰城

溫隰城皆周地也昭叔通翟后與俱處溫故取殺之

左師迎王于鄭

王入于成周遂定之于邾

成周周東都邾王城也

王饗醴命公昨

侑

饗設饗禮也傳曰戰克而王饗饗醴飲醴酒也命加命服也昨賜祭肉也侑侑幣謂既食以束帛侑公

公請隧弗許

三君云隧王之葬禮昭謂六隧之事見周語

曰王章也

章表也所以表

明天子與諸侯異物

不可以二王

國無二王

無若政何

無以為政于下

賜公南

陽陽樊溫原州陘締鉏櫟茅之田

八邑周之南陽地

陽人不服

不肯屬晉

公圍之將殘其民倉葛呼曰

倉葛陽樊人

君補王闕以

順禮也

補王失位之闕以順為臣之禮

陽人未狎君德

狎習也

而未敢承

命君將殘之無乃非禮乎陽有夏商之嗣典有周室之

師旅

典法也旅衆也言有夏商之後嗣及其遺法與周室之師衆

樊仲之官守焉

樊仲

宣王臣仲山甫也食采於樊

其非官守則皆王之父兄甥舅也君定

王室而殘其姻族民將焉放

放依也

敢私布之於吏

布陳也吏

軍吏也

惟君圖之公曰君子也乃出陽人

出降也

又公伐原

原不服故伐之

令以三日之糧三日而原不降公令疏軍而去

之

疏微也

謀出曰原不過一二日矣

謀間候也

軍吏以告公曰

得原而失信何以使人夫信民之所庇也不可失也

庇蔭

也乃去之及盟門而原請降

盟門原地也傳曰退一舍而原降

文公立四年楚成王伐宋

四年魯僖二十七年冬也宋背楚事晉故楚伐之

公

率齊秦伐曹衛以救宋

魯僖二十八年春晉侯侵曹伐衛傳曰楚始得曹而又伐宋

宋人使門尹班告急於晉

門尹班宋大夫

公告大夫曰宋人告

急舍之則宋絕

舍不救宋則宋降楚與我絕也

告楚則不許我

告謂請宋於楚

楚不許我

我欲擊楚齊秦不欲其若之何先軫曰不若使齊

秦主楚怨

先軫晉中軍原軫也主楚怨為怨主也謂激齊秦使之惡楚

公曰可乎先

軫曰使宋舍我而賂齊秦

使宋置晉獨賂齊秦

藉之告楚

藉與齊秦之勢

使請宋於楚

我分曹衛之地以賜宋人楚愛曹衛必不許齊

秦

齊秦本與晉俱伐曹衛今晉分其地楚必不許齊秦之請

齊秦不得其請必屬怨

焉

屬結也

然後用之蔑不欲矣

用用齊秦也蔑無也

公說是故以曹

田衛田賜宋人

二十八年春衛侯欲與楚國人不欲故出其君以說于晉衛侯出居襄牛晉侯

執曹伯分曹衛之田以畀宋人

令尹子玉使宛春來告

宛春楚大夫

曰請復

衛侯而封曹臣亦釋宋之圍

釋解也

舅犯愠曰子玉無禮

哉臣取二君取一必擊之

愠怒也臣子玉也君文公也二謂復曹衛一謂釋宋國

先軫曰子與之

與許也

我不許曹衛之請是不許釋宋也

宋衆無乃彊乎

不許釋宋宋降于楚其衆益彊

是楚一言而有三施子

一言而有三怨

三曹衛宋也

怨已多矣難以擊人不若私許

復曹衛以攜之

攜離也

執宛春以怒楚

怒楚令必戰

既戰而後

圖之

圖復曹衛

公說是故拘宛春於衛子玉釋宋圍從晉

師楚既陳晉師退舍軍吏請曰以君避臣辱也

時楚王避文公

之德入于申使子玉去宋子玉不肯固請戰故云避臣

且楚師老矣必敗何故退

老罷也圍宋久與師罷病

子犯曰二子忘在楚乎

言在楚時許退三舍偃也

聞之戰鬪直為壯曲為老

若韓之戰秦師少而鬪士衆晉曲秦直故能敗晉

未

報楚惠而抗宋我曲楚直

抗救也

其衆莫不生氣不可謂

老若我以君避臣而不去彼亦曲矣退三舍避楚

楚衆欲止子玉不肯至于城濮果戰楚衆大敗

城濮衛地

君

子曰善以德勸

善先軫子犯也

文公誅觀狀以伐鄭反其埤

賈侍中云鄭復效曹觀公駢脅之狀故伐之唐尚書

云誅曹觀狀之辜還而伐鄭昭省內外傳鄭無觀狀之事而叔詹云天禍鄭國使淫觀狀謂淫放於曹不禮公子與觀狀之辜同耳反撥也埤城上鄭人以名寶行成

女桓僖三十年秋秦伯

晉侯圍鄭

鄭人以名寶行成

名實重實

公弗許曰予我詹而師還

詹鄭卿叔詹伯也文公過鄭時詹請禮之鄭伯

不聽因請殺之

詹請往鄭伯弗許

鄭伯鄭文公也

詹固請曰一臣可以

赦百姓而定社稷君何愛於臣也鄭人以詹予晉人晉

人將亨之

亨煮也

詹曰臣願獲盡辭而死固所願也公聽

其辭詹曰天降鄭禍使淫觀狀棄禮違親

淫放也放曹國不禮於君

臣曰不可夫晉公子賢明其左右皆卿才若復其國而

得志於諸侯禍無赦矣今禍及矣尊明勝患知也

明謂公子

勝猶逼也

殺身贖國忠也乃就亨據鼎耳而疾號曰自今以

往知忠以事君者與詹同乃命弗殺厚為之禮而歸之

禮禮鄭人以詹伯為將軍

晉國饑公問於箕鄭

箕鄭晉大夫

曰救饑何以對曰信公曰

安信對曰信於君心

不以愛憎誣人以善惡是為信於心

信於名

名百官尊卑之

號信於令信於事

謂使民事各得其時

公曰然則若何對曰信於

君心則美惡不踰

不相踰越也

信於名則上下不干

干犯也

信

於令則時無廢功

不奪其時則有成功

信於事則民從事有業

業猶

次也於是乎民知君心貧而不懼藏出如入何置之有

出其

芻蕘以相振救如
入于家故不乏也

公使為箕

為箕大夫

及清原之蒐使佐新

上軍

清原之蒐在魯
僖三十一年秋

公問元帥於趙衰

元帥上卿

對曰卻縠可行年五十矣

卻縠晉大夫

大行歷也

守學彌惇

彌益也惇厚也

夫先王之法志德義之府也

志記

也夫德義生民之本也能惇篤者不忘百姓也請使卻

穀公從之公使趙衰為卿辭曰欒枝貞慎

枝晉大夫欒共子之子貞

也先軫有謀胥臣多聞皆可以為輔臣弗若也乃使欒

枝將下軍先軫佐之

此述初耳在城濮戰前也

取五鹿先軫之謀也

五鹿
術地

卻穀卒使先軫代之

從下軍之佐超將中軍傳曰尚德也

胥臣佐下

軍

代先軫也

公使原季為卿

原季趙衰也文公二年為原大夫卿次卿也

辭曰夫三德者

偃之出也

偃狐偃也賈唐云三德樂枝先軫胥臣也皆狐偃所舉虞云三德為勸文公納襄王以示

臣義伐原以示信大蒐以示民禮故以三德紀民昭謂樂枝等皆趙衰所進非狐偃也三德紀民之語在下虞

得

之以德紀民其章大矣不可廢也

章著也

使狐偃為卿辭

曰毛之知賢於臣其齒又長

毛偃之兄也

毛也不在位不敢

聞命乃使狐毛將上軍狐偃佐之

尚助也上軍或言新上軍非也時未有新

軍傳曰使狐偃將上軍狐毛而佐之是也

虞唐云代將新軍昭

謂代將

辭曰城濮之役先且居之佐軍也善

先且居先軫之子蒲

城伯也後受霍為霍伯

軍伐有賞

伐功也

善君有賞能其官有賞

道以

事其君賴其功當有賞能領治其官職使

且居有三賞

不可廢也

言且居有三德得此三賞不可廢而不用

且臣之倫箕鄭胥嬰

先都在

倫伍也三子晉大夫

乃使先且居將上軍

代狐毛

公曰趙衰

三讓

三使為卿三讓之進樂枝等八人

其所讓皆社稷之衛也廢讓是

廢德也以趙衰之故蒐于清原作五軍

清原晉地晉本有上軍有中軍

有下軍今有五
益新上下也

使趙衰將新上軍箕鄭佐之胥嬰將新

下軍先都佐之子犯卒蒲城伯請佐

或云蒲城伯狐毛也賈侍中云蒲城

伯先且居也昭謂上章狐毛已卒使先且居代之賈得之矣

公曰趙衰三讓不失義

義宜也

讓推賢也義廣德也德廣賢至又何患矣請令衰

也從子

從從先且居

乃使趙衰佐新上軍

此有新字誤也趙衰佐新上軍之將

進佐上軍為升一等新上軍之將位在上軍之佐下此二章或在狐毛卒上非也當在下

文公學讀書於臼季三日

臼季胥臣也

曰吾不能行也咫

咫咫

尺間聞則多矣對曰然而多聞以待能者不猶愈乎

使能也

者行之不猶
愈于不學乎

文公問於郭偃

郭偃卜
偃也

曰始也吾以國為易

易易
治也

今也

難對曰君以為易其難也將至矣

以為易而輕忽
之故其難將至

君以

為難其易也將至矣

以為難而勤修
之故其易將至

文公問於胥臣曰吾欲使陽處父傳謹也而教誨之其

能善之乎

陽處父晉大夫陽子
也謹文公子襄公名

對曰是在謹也蘧蒢不

可使俛

蘧蒢
直者

戚施不可使仰

戚施
僂者

焦饒不可使舉

焦饒
長三

尺不能
舉重

侏儒不可使援

侏儒短者
不能抗援

矇矇不可使視

有眸
子而

無見曰矇無
眸子曰矇
器瘖不可使言
口不道忠信之言
聾瞶不

可使聽
耳不別五聲之和
僮昏不可使謀
僮無知昏
質

將善而賢良贊之則濟可疾也
言質性將自善而賢良之傳贊導之則其成就

可立
疾也
若有違質
違邪
教將不入
不入
其何善之為
言不能使

善
臣聞昔者大任娠文王不變
娠有身也不
少滲于豕

牢而得文王不加病焉
少小也滲便也豕牢厠也言大任之生文王時如小溲於厠而

得文王不加病
痛言其易也
文王在母不憂
在母孕時體不變故不憂也
在傳弗

勤處師弗煩事王不怒
奉事父王季
孝友二號
善兄弟為友二

號文王弟號仲號叔也

而惠慈二蔡

惠愛也三君云二蔡文王子管叔初亦為蔡

刑于

大姒

刑法也大姒文王妃

比于諸弟

比親也諸弟同宗之弟

詩云刑于寡妻

至于兄弟以御于家邦

詩大雅思齊之二章寡妻寡德之妻謂大姒御治也

於是

乎用四方之賢良

以自輔也

及其即位也詢于八虞

詢謀也賈唐云

八虞周八士皆在虞官伯達伯适仲突仲忽叔夜叔夏季隨季騶

而咨于二號

咨謀也度

于閔天而謀於南宮

皆周賢臣度亦謀也南宮南宮适

諏於蔡原而訪

於辛尹

諏訪皆謀也蔡蔡公原原公辛辛甲尹尹佚皆周太史

重之以周召畢榮

周周文公召召康公畢畢公榮榮公

億寧百神

億安也

而柔和萬民

柔安也故

詩曰惠于宗公神罔時恫

亦思齊之二章也惠順也宗公大臣也恫痛也言文王為

政詰於大臣順而行之故鬼神無怨痛之者

若是則文王非專教誨之力也

言因體也

公曰然則教無益乎對曰胡為文益其實

言有美質加以

乃善故人生而學非學不入

不入不入於道

公曰奈夫八疾何

八疾遽瘵至僮昏

對曰官師之所材也

師長也材古裁字

戚施直鑄

直主

擊鑄鑄鍾也

遽瘵蒙璆

蒙戴也璆玉磬也不能俛故使之藏磬

侏儒扶盧

扶緣也盧

矛戟之秘緣之以為戲

矇矇修聲

無目於音聲審故使修之

聾聵司火

耳無聞於視則

審故使主火

僮昏嚚瘖僂官師所不材也

所不能材用也

以實裔

土

商荒
也

夫教者因體能質而利之者也

能才也因其身體有質可成濟

者就而
通利之

若川然有原以印浦而後大

印迎也言川有原
因開利迎之以浦

然後
大也

文公即位二年

更言此者終迷
善文公之事

欲用其民

用用征
伐也

子犯

曰民未知義

未知尊
上之義

盍納天子以示之義

天子避子帶
之難在鄭地

汜乃納襄王于周公曰可矣乎對曰民未知信盍伐原

以示之信乃伐原

信謂上令以三日之
糧糧盡不降命去之

曰可矣乎對曰

民未知禮盍大蒐備師尚禮以示之

蒐所以明尊卑順
少長習威儀也

乃大蒐于被廬

被廬晉地名

作三軍

唐尚書云立新軍之上下也昭謂此章言文公

之初未

使卻穀將中軍以為大政

大政謂掌國政也

卻溱佐之

有新軍
卻溱晉大夫卻至之先或云溱即至非也

子犯曰可矣

即可用也

遂伐曹衛

在魯僖二

十八年

出穀戍釋宋圍敗楚師於城濮於是乎遂伯

穀齊地也

魯僖二十六年楚伐齊取穀使申公叔侯戍之二十七年楚圍宋晉伐曹衛以救之二十八年楚使申叔去穀

子玉去宋避晉畏其強也

國語卷十

欽定四庫全書

國語卷十一

吳韋昭注

晉語五

臼季使舍於冀野

臼季晉臣也冀晉邑郊外曰野

冀缺耨其妻饁之

冀缺

卻成子也耨秣也野

敬相待如賓

夫婦相敬如賓也

從而問之

饋曰饁詩云饁彼南畝

冀芮之子也與之歸既復命而進之曰臣得賢人敢以

告文公曰其父有臯可乎

文公元年冀芮畏偪與呂卻謀弑公焚公宮秦伯殺之故

也對曰國之良也滅其前惡滅除也是故舜之刑也殛鯀

其舉也興禹殛誅也今君之所聞也齊桓親舉管敬子

其賊也敬子管仲之謚公曰子何以知其賢也對曰臣見其不

忘敬也夫敬德之恪也恪於德以臨事其何不濟公見

之使為下軍大夫在文公時而於此言之者以襄公能繼父志用冀缺也傳曰襄公以父命

賞胥臣曰舉卻缺子之功也以一命命卻缺為卿復予之冀故云冀缺

陽處父如衛反過甯處父晉太傅陽子也如衛聘衛也

是也舍於逆旅甯嬴氏在魯文五年甯晉邑今河內修武嬴謂其妻曰吾求

君子久矣乃今得之舉而從之

舉起也

陽子道與之語及

山而還

山河內溫山傳曰及溫而還

其妻曰子得所求而不從之何

其懷也

懷思也

曰吾見其貌而欲之聞其言而惡之夫貌

情之華也

容貌者情之華采

言貌之機也

言語者容貌之樞機

身為情

情生

於身也

成於中言身之文也言文而發之合而後行離則

有釁

合謂情也貌也言也三者合而後行釁隙也

今陽子之貌濟其言匱非

其實也

濟成也言不副貌為匱匱乏也

若中不濟而外彊之

謂情不足而貌彊為

之

其卒將復

復反也反其情也

中外易矣

易猶異也

若外內類而言

反之瀆其信也

類善也瀆輕也

夫言以昭信奉之如機

如樞機之相應

歷時而發之

言思察之詳熟

胡可瀆也今陽子之情譏矣

譏辨察也

以濟蓋也

濟成也成其容貌以蓋其短也

且剛而主能

主上也言性剛直而高尚其材

能不本而犯怨之所聚也

不本行不本仁義也犯犯人也

吾懼未獲其

利而及其難是故去之期年乃有賈季之難陽子死之

賈季晉大夫狐偃之子射姑也食采于賈字季它唐尚

書云晉蒐于夷舍二軍昭謂初晉作五軍魯文五年晉

四卿卒至六年晉蒐于夷舍二軍復三軍之制狐射姑

將中軍趙盾佐之陽子至自溫改蒐于董使趙盾將中

軍射姑佐之射姑怨陽子之易其

班也使狐鞠居殺陽處父而奔翟

趙宣子言韓獻子於靈公以為司馬

宣子晉正卿趙衰之子宣孟盾也獻

子韓萬之玄孫子興之子厥也靈公襄公子夷皋也司馬掌軍大夫

河曲之役

河曲晉地魯文十二

年秦伐晉戰于河曲

趙孟使人以其乘車干行

趙孟宣子也干犯也行軍列也獻

子執而戮之衆咸曰韓厥必不沒矣

沒終也

其王朝升之

而莫戮其車

其主人車車僕也獻子因趙盾以為主盾升之于公朝莫喻速也

其誰安

之宣子召而禮之曰吾聞事君者比而不黨

比比義也阿私曰黨

夫周以舉義比也

忠信曰周

舉以其私黨也夫軍事無犯犯

而不隱義也

任公為義

吾言汝於君懼汝不能也舉而不能

黨孰大焉事君而黨吾何以從政吾故以是觀汝

觀汝能否

汝勉之苟從是行也

勉之始終其志是行今所行也

臨長晉國者非汝

其誰

臨監也

皆告諸大夫曰二三子可以賀我矣吾舉厥

也而中吾乃今知免於罪矣

宋人殺昭公

宋人宋成公之子文公鮑也昭公鮑之兄杵臼也殺昭公在魯文十六年

趙宣

子請師於靈公以伐宋公曰非晉國之急也對曰大者

天地其次君臣所以為明訓也

言尊卑各得其所所以明教訓也

今宋

人殺其君是反天地而逆民則也

則法也

天必誅焉晉為

盟主而不修天罰

修行也

將懼及焉公許之乃發令于太

廟召軍吏而戒樂正

正長也軍吏主師旅樂正主鐘鼓

令三軍之鐘鼓

必備趙同曰國有大役

役事也趙同盾弟晉大夫原同也

不鎮撫民而

備鐘鼓何也宣子曰大罪伐之小罪憚之

憚懼也

襲侵之

事陵也

輕曰襲無鐘鼓曰侵陵以大陵小也

是故伐備鐘鼓聲其罪也

以聲

章其

戰以鐸于丁寧傲其民也

鐸于形如碓頭與鼓角相和丁寧謂鉦也傲戒

也唐尚書云鐸于鐸也非也鐸與鐸于各異物

襲侵密聲為變事也

襲其無備今

宋人殺其君罪莫大焉明聲之猶恐其不聞也吾備鐘

鼓為君故也

為欲尊明君道也

乃使旁告於諸侯治兵振旅鳴

鐘鼓以至於宋

振奮也伐宋在魯文公十七年

靈公虐趙宣子驟諫

虐厚斂以雕牆支解宰夫之屬

公患之

患疾也

使鉏

麇賊之

鉏麇力士賊殺也

晨往則寢門辟矣

辟開也

盛服將朝蚤

而假寐

不脫冠帶而寐曰假寐

麇退歎而言曰趙孟敬哉

言夙興敬恪也

夫不忘恭敬社稷之鎮也

鎮重也

賊國之鎮不忠受命而

廢之不信享一名於此不若死

享受也殺之為不忠不殺為不信故得一名也

觸庭之槐而死

庭外朝之庭也周禮王之外朝三槐三公位焉則諸侯之朝三槐三卿位焉

靈公將殺趙盾不克

魯宣二年秋晉侯飲趙盾酒伏

穿攻公於桃園

趙穿晉大夫趙夙之孫趙盾從父昆弟武子穿也桃園國名

逆公子

黑臀而立之寔為成公

逆迎也迎于周也黑臀晉文公子襄公弟成公黑臀也

卻獻子聘于齊

獻子晉卿卻缺之子克也聘在魯宣十七年

齊頃公使婦人

觀而笑之

卻子跛齊頃公惟婦人使觀之卻子將升婦人笑于房

卻獻子怒歸請

伐齊范武子退自朝

武子晉正卿士會也

曰變乎吾聞之

變武子之子文

也子干人之怒必獲毒焉夫卻子之怒甚矣不逞於齊必

發諸晉國

逞快也不快心以伐齊必發怒於晉國

不得政何以逞怒

得政為政

也 余將致政焉以成其怒

致歸也

無以內易外也爾勉從

二三子以承君命惟敬

二三子晉諸卿也承奉也

乃老

乃告老也

范文子莫退於朝武子曰何莫也對曰有秦客廋辭於

朝

廋隱也謂以隱伏譎詭之言問於朝也東方朔曰非敢試之乃與為隱耳是也

大夫莫之能

對也吾知三焉

解其事

武子怒曰大夫非不能也讓父兄

也

父兄長老也

爾童子何知而三掩人於朝

掩蓋也

吾不在晉

國亡無日矣擊之以杖折委筭

委委貌冠也筭簪也

靡筭之役韓

獻子將斬人

靡筭齊山名魯成二年晉卻克伐齊從齊師於靡筭之下戰于鞍獻子時為司馬將

斬人以戮罪 郤獻子駕將救之至則既斬之矣郤獻子在可救之者

請以徇其僕曰子不將救之乎獻子曰敢不分謗乎言欲

與韓子分謗共非也言能如此故從事不乖

靡笄之役郤獻子傷傷于矢也傳曰流血及屨未絕鼓音曰余病喙喙短

張侯御曰三軍之心在此車矣張侯晉大夫解張也在此車謂車進則進車退

則退也其耳目在于旗鼓耳聽鼓音目視旗表車無退表鼓無退聲

表旌旗也車表鼓音進退異數軍事集矣集成也吾子忍之不可以言病

受命于廟將行告廟受戒命也受賑于社賑宜社之肉盛以蜃器甲冑而效

死戎之政也

帶甲纓冑死而後已此兵之常政

病未若死祇以解志

祇適

也

乃左并轡右援枹而鼓之馬逸不能止三軍從之

逸奔

也

齊師大敗逐之三周華不注之山

周匝也華齊地不注山名

靡笄之役卻獻子師勝而反范文子後入

文子時佐上軍

武子

曰變乎女亦知吾望爾也乎

兵凶事文子後入故武子憂望也

對曰夫

師卻子之師也

卻子請伐齊又為元帥

其事臧

臧善也謂師有功

若先則

恐國人之屬耳目於我也故不敢

屬猶注也

武子曰吾知免

矣

知免於咎

靡笄之役卻獻子見公曰子之力也夫

力功也

對曰克也

以君命命三軍之士三軍之士用命克也何力之有焉

范文子見公曰子之力也夫對曰變也受命於中軍以

命上軍之士上軍之士用命變也何力之有焉樂武子

見

武子晉卿樂枝之孫樂盾之子書也時將下軍

公曰子之力也夫對曰受命

於上軍以命下軍之士下軍之士用命書也何力之有

焉

靡笄之役也卻獻子伐齊齊侯來

齊侯來以靡笄之役故服而朝晉侯也在

魯成三年

獻之以得隕命之禮

獻致饗也獻邊豆之數如征伐所獲國君之獻禮也以得

言不得也伐國獲君若秦獲晉惠是為隕命今齊雖敗頃公不見得非隕命也故苗棼皇以郤克不知禮司馬法曰其有隕命行禮如會所爭義不爭利也

曰寡君使克也不腆敝邑之禮

為君之辱敢歸諸下執政以愬御人

歸饋也執政執事也愬願也御人婦

人也願以此報君御人之笑已者

苗棼皇曰郤子勇而不知禮

棼皇晉大夫楚

關伯棼之子也

矜其伐而恥國君

矜大也伐功也

其與幾何

言將不終命也

梁山崩

梁山晉望也崩在魯成五年

以傳召伯宗

傳驛也伯宗晉大夫孫伯糾之子

遇大車當道而覆

大車牛車也

立而辟之曰辟傳

辟使下道避傳車

對曰傳為速也若族吾辟之則加遲矣加益也不如捷

而行旁出為捷伯宗喜問其居曰絳人也絳晉國都伯宗曰何聞

曰梁山崩而以傳召伯宗伯宗問曰將若何對曰山有

朽壤而自崩將若何朽腐也不言政失所為而稱朽壤言遜也夫國主山川

主為山川主也孔子曰夫顯臾為東蒙主故川涸山崩君為之降服出次涸竭

也川竭則山崩降服編素也出次次於郊也乘縵不舉策於上帝縵車無文也不舉不

舉樂也策於上帝以簡策之文告國三日哭以禮焉禮以

於天也周禮四鎮五嶽崩命去樂於神也周禮國雖伯宗亦其如是而已其若之何問其

名不告請以見弗許

以見於君

伯宗及絳以告而從之

以車者之

言告君

君從之

伯宗朝以喜歸

朝罷而歸有喜色

其妻曰子貌有喜何也曰吾

言於朝諸大夫皆謂我知似陽子

知辨智也陽子處父也

對曰陽

子華而不實主言而無謀

主尚也

是以難及其身子何喜

焉伯宗曰吾飲諸大夫酒而與之語爾試聽之曰諾既

飲其妻曰諸大夫莫子若也然而民不戴其上久矣

戴奉

也上賢也才在人上也

難必及子子盍亟索士憇庇州犁焉

亟疾也索

求也愁願也庇覆也州
犁伯宗子伯州犁也

得畢陽

畢陽晉士也

及樂弗忌之難

諸大夫害伯宗將謀而殺之

樂弗忌晉大夫伯宗之黨也三郤害弗忌故譖伯宗

并殺之在魯
成十五年

畢陽實送州犁于荆

荆楚也犁奔楚為大宰

國語卷十一

欽定四庫全書

國語卷十二

吳韋昭注

晉語六

趙文子冠

文子趙盾之孫趙朔之子趙武也冠謂以士禮始冠

見樂武子武子曰

美哉

武子樂書也禮既冠奠贄于君遂以贄見于鄉大夫先生美哉美成人也

昔吾逮事莊

主

莊莊子趙朔之誼也大夫稱主趙朔嘗將下軍樂書佐之

華則榮矣實之不知請

務實乎

榮者有色貌也實之不知華而不實也

見中行宣子宣子曰美哉

宣子晉大夫中行

惜也吾老矣

惜已年老不見文子德所至也

見范文

子文子范

文子曰而今可以戒矣夫賢者寵至而益戒

不足者為寵驕

知不足者得寵而驕

故興王賞諫臣逸王罰之吾

聞古之王者政德既成又聽於民

詢于芻蕘聽謗譽也

於是乎使

工誦諫於朝

工矇矐也誦誦讀前世箴誅之語

在列者獻詩使勿兜

列位

也謂公卿至于列士獻詩以風也兜惑也

風聽臚言於市

風采也臚傳也采聽商旅所傳善惡

之辨辨祆祥於謠

辨別也祆惡也祥善也行歌曰謠丙之辰繫弧箕服之類是也

考百事

於朝

百官職事

問謗譽於路有邪而正之盡戒之術也

術道也

先王疾是驕也見卻駒伯駒伯曰美哉

駒伯晉卿

然而

壯不若老者多矣

時年自矜

見韓獻子

獻子晉卿韓厥也

獻子曰戒

之此謂成人成人在始與善始與善善進善不善蔑由

至矣

蔑無也

始與不善不善進不善善亦蔑由至矣如草

木之產也各以其物

物類也

人之有冠猶宮室之有牆屋

也糞除而已何又加焉

糞除論自修潔

見知武子武子曰吾子

勉之

武子晉卿荀首之子荀螢也

成宣之後而老為大夫非恥乎

成

子文子曾祖趙衰也宣宣子文子祖父趙盾也言文子二賢之後長老乃為大夫非恥乎欲其修德蚤為卿也

成子之文宣子之忠其可忘乎夫成子道前志以佐先

君道法而卒以政可不謂文乎

道達也志記也佐助也先君文公也以政得政

也夫宣子盡諫於襄靈

襄公文公子靈公父也

以諫取惡不憚死

進也可不謂忠乎吾子勉之有宣子之忠而納之以成

子之文事君必濟

濟成也

見苦成叔子

苦成叔子卻犍也

叔子曰

抑年少而執官者衆

執官為大夫也

吾安容子見溫季子

溫季子卻

至也季子曰誰之不如可以求乎

言汝不如誰可以求其次不欲其高遠也

見

張老而語之

張老晉大夫張孟也

張老曰善矣從欒伯之言可以

滋

滋益也

范叔之教可以大韓子之戒可以成物備矣志

在子

物事也人事以備能行與否在子之志也

若夫三卻亡人之言也何稱

述焉

稱述不足

知子之道善矣

道訓也

是先主覆露子也

先主謂成

宣也露潤也

厲公將伐鄭

厲公晉景公之子州蒲也伐鄭鄭從楚故也在魯成十六年

范文子不

欲曰若以吾意諸侯皆畔則晉可為也

為治也

惟有諸侯

故擾擾焉凡諸侯難之本也

畔輒伐之故為難本

得鄭憂滋長安

用鄭

楚必救之故憂滋長

卻至曰然則王者多憂乎文子曰我王

者也乎哉

言俱諸侯也

夫王者成其德而遠人以其方賄歸

之故無憂

方所在之方賄財也

今我寡德而求王者之功故多憂

我晉也

子見無土而欲富者樂乎哉

無土求富行不得息

厲公六年伐鄭

十六年魯成

且使苦成叔及樂廩興齊魯

之師

苦成叔卻犂樂廩樂書之子桓子也卻犂如齊樂廩如魯皆乞師

楚恭王帥東夷

救鄭

恭王莊王之子歲也或作審東夷楚東之夷也

楚半陳公令擊之樂書曰

君使廩也興齊魯之師請俟之卻至曰不可楚師將退

我擊之必以勝歸

將退無闕心故可勝也

夫陳不違忌一問也

違避

也忌謂晦也間隙也晦陰氣盡兵亦陰故忌之
經書六月甲午晦晉侯及楚子鄭伯戰于鄢陵夫南夷

與楚來而弗與陳二間也

南夷據在晉南也
不與陳不欲戰也

夫楚與鄭

陳而不與整三間也

雖俱陳不
整齊也

且其士卒在陳而譁四

間也

詳前
也

夫衆聞譁則必懼五間也鄭將顧楚楚將顧

夷莫有關心不可失也公說於是敗楚師於鄢陵樂書

是以怨卻至

怨其反已
專其美也

鄢之戰卻至以韎韋之附注三逐楚平王卒

三君云一
染曰韎鄭

後司農說以為韎茅蒐染也韎聲也昭謂茅蒐今絳草
也急疾呼茅蒐成韎也凡染一入為線附注兵服自要

以下注

見王必下奔

下車奔走也

退戰王使工尹襄問之以

弓

工尹楚官襄其名問適也

曰方事之殷

事戎事也殷盛也

有韎韐之附注

君子也屬見不穀而下無乃傷乎

屬適也傷恐其傷也

卻至甲冑

而見客免冑而聽命

免脫也脫之為障耳

曰君之外臣至以寡君

之靈間蒙甲冑

蒙被也被介在甲冑之間

不敢當拜君命之辱為使

者故敢三肅之

禮軍事肅拜肅拜下手至地也

君子曰勇以知禮

禮軍禮也

鄢陵之役大夫欲爭鄭

與楚爭鄭

范文子不欲曰吾聞人臣

者能內睦而後圖外

睦親也

不睦內而圖外必有內爭盍

姑謀睦乎

姑且也

考訊其阜以出則怨靖

訊問也阜衆也靖安也言內且

謀相親愛乃考問百姓知其虛實然後出軍用師則怨惡自安息也

鄢陵之役晉伐鄭荊救之

荊楚也

大夫欲戰范文子不欲

曰吾聞君人者刑其民

以刑正其民

成而後振武於外

成平也

是以內和而外威

威畏也

今吾司寇之刀鋸日弊

刀鋸小人之刑

也弊敗也日敗用之數也

而斧鉞不行

斧鉞大刑也不行不行於大臣

內猶有不刑

而況外乎夫戰刑也

言用兵猶用刑也

刑之過也

刑殺有過者

由

大

由大也

而怨由細

怨望者由小細民也

故以惠誅怨

誅除也

以忍去

過

忍以義斷也

細無怨而大不過而後可以武刑外之不服

者今吾刑外乎大人

外者刑不及

而忍於小民

忍行刑於小民

將誰

行武武不行而勝幸也

幸僥幸也

幸以為政必有內憂且惟

聖人能無外患又無內憂距非聖人必偏而後可

距猶自也

偏偏有一也

偏而在外猶可救也

在外外有患也

疾自中起是難盡

姑釋荆與鄭以為外患乎

釋置也

鄢陵之役晉伐鄭荆救之欒武子將上軍范文子將下

軍

上下中軍之上下也傳曰欒書將中軍士燮佐之又曰欒范以其族夾公行

欒武子欲戰

范文子不欲曰吾聞之惟厚德者能受多福無德而服

者衆必自傷也

不義而強其辭必速

稱晉之德諸侯皆叛國可以

少安

稱副也副晉之德而為之宜諸侯皆叛不復征伐還自整修則國可以少安

惟有諸侯

故擾擾焉凡諸侯難之本也且惟聖人能無外患又無

內憂距非聖人不有外患必有內憂盍姑釋荊與鄭以

為外患乎諸臣之內相與必將輯睦

不復征伐無所爭也

今我戰

又勝荊與鄭吾君將伐知而多力

力功也將自伐其知自多其功也

怠

教而重斂大其私暱而益婦人田

暱近也私近謂嬖臣也大謂增其祿也婦

人愛妾也不奪諸大夫田則焉取以益此諸臣之委室而徒

退者將與幾人

徒空也與辭也幾人言必多也

戰若不勝則晉國之福

也戰若勝亂地之秩者也

亂地亂故地也秩常也

其產將害大盍

姑無戰乎

產生也言其生變將害大臣

欒武子曰昔韓之役惠公不

復舍

韓之役秦獲惠公在魯僖十五年

邲之役三軍不振旅

楚敗晉師於邲在魯

宣十二年師敗衆散

故不能振旅而入箕之役先軫不復命

晉人敗翟於箕先軫死之

故不反命于君在魯僖三十三年

晉國固有大恥三今我任晉國之政

任當也武子時為上卿

不損晉恥又以違蠻夷以重之

違避也蠻夷楚也

雖有後患非吾所知也

不能慮遠

范文子曰擇福莫若重擇

禍莫若輕

有二福擇取其重有二禍擇取其輕

福無所用輕禍無所用重

晉國固有大恥與其君臣不相聽以為諸侯笑也

不相聽謂

惠公不與慶鄭相聽以殞於韓先穀不與林父相聽以敗于邲先軫不與襄公相聽以亡於箕

盍姑以

違蠻夷為恥乎欒武子不聽遂與荊人戰於鄢陵大勝

鄢陵鄭地

於是乎君伐知而多力怠教而重斂大其私暱

殺三卻而尸諸朝

三卻錡郄至也尸陳也產將害大是也

納其室以分婦

人納取也室妻妾貨賄也

於是乎國人弗蠲

蠲潔也不潔公所為

遂殺諸翼

葬之翼東門之外以車一乘

翼故晉都匠麗氏也厲公侈多外嬖反自鄢陵欲盡

去羣大夫而立其左右欲以胥童夷羊午長魚矯為卿故殺三卻長魚矯又以兵劫欒書中行偃將殺之公不忍而復其位魯成十七年冬厲公游于匠麗氏欒書中行偃執公十八年正月使程滑殺公葬之以車一乘不成厲公之所以死者惟無德而功烈多服者衆也

烈業也服

者衆謂魯成十二年會于瑣澤敗狄于交剛十三年敗秦于麻隧十五年盟于戚會吳于鍾離十六年敗楚于鄢陵會于柯陵伐鄭十七年同盟于柯陵

鄢陵之役荆厭晉軍

厭謂掩其不備也傳曰甲午晦楚晨厭晉軍而陳

軍吏患

之將謀

謀所以距扞

范匄自公族趨過之

匄范文子之子宣子也自公族為公

族大

曰夷竈堙井非退而何

夷平也堙塞也使晉軍平塞井竈示必死不復飲食

非退而何言楚必退也傳曰塞井夷竈陳于軍中而疏行首是也

范文子執戈逐之曰

國之存亡天命也童子何知焉且不及而言姦也必為

戮

言義不及旬而旬言之是為有姦故必為戮

苗棼皇曰善逃難哉

文子欲句讓大

臣不掩蓋人是為避難

既退荆師於鄢陵將穀

穀處其館食其穀也傳曰晉師三日

館穀范文子立於戎馬之前

公戎車馬前也

曰君幼弱諸臣不佞

佞才也

吾何福以及此吾聞之天道無親惟德是授吾庸

知天之不授晉且以勸荆乎

庸用也馬用知天不先授晉以福使勝楚而以勸楚

修德以報晉乎

君與二三臣其戒之

戒備也

夫德福之基也無德

而福隆猶無基而厚墉也其壞也無日矣

隆盛也墉牆也

反自鄆范文子謂其宗祝

宗宗人祝祝史也

曰君驕泰而有烈

烈功也

夫以德勝者猶懼失之而况驕泰乎君多私今以

勝歸私必昭

私嬖臣妾也昭顯也

昭私難必作

寵私必去舊去舊必作難

吾恐

及焉凡吾宗祝為我祈死

祈求也

先難為免

免免於亂

七年夏

范文子卒

晉厲公七年魯成十七年

冬難作始於三郤卒於公

公殺三郤

樂中行畏誅乃殺公

既戰獲王子發鉤

發鉤楚公子筏也傳曰囚楚公子筏

欒書謂王子發鉤

曰子告君

使告晉君

曰卻至使人勸王戰及齊魯之未至也

言勸楚王使與晉戰也晉乞師於齊魯時尚未至言晉可敗也

且夫戰也微卻至王必

不免

微無也言卻至見王必下趨故王得免

吾歸子

子告晉君如此吾令子歸楚也

發鉤

告公告欒書欒書曰臣固聞之

固久也

卻至欲為難使

苦成叔緩齊魯之師已勸君戰

已卻至也

戰敗將納孫周

孫周

悼公周也

事不成故免楚王然戰而擅舍國君而受其問不

亦大罪乎

問謂弓也

且今君若使之於周必見孫周公曰諾

樂書使人謂孫周曰卻至將往必見之卻至聘於周公

使覘之見孫周

覘微視之

是故使胥之昧與夷陽午刺卻至

苦成叔及卻錡

胥之昧胥童也及夷陽午皆厲公嬖臣

卻錡謂卻至曰君

不道於我我欲以吾宗與吾黨夾而攻之雖死必敗國

國敗君必危其可乎卻至曰不可至聞之武人不亂

而勇

不義則不為武

知人不詐

為詐則不為知

仁人不黨

不羣黨也

夫利君之富

富以聚黨

利君寵祿以為富得富故有徒黨

利黨以危君君之殺我也

後矣

後晚也

且衆何罪鈞之死不若聽君之命

鈞等也等一死不欲

為亂也

是故皆自殺

傳曰三卻將謀於榭長魚矯以戈殺之言自殺取其不校自殺之道既

刺三卻樂書殺厲公乃納孫周而立之是為悼公

長魚矯既殺三卻乃脅樂中行

謂與胥童共脅之也脅切也樂樂書中行中行

偃而言於公曰不殺此二子者憂必及君

言二子懼誅必將圖君

公曰一旦而尸三卿不可益也對曰臣聞之亂在內為

軌在外為姦禦軌以德禦姦以刑

禦止也以德以德綏之以刑謂誅除也

今治政而內亂不可謂德除鯁而避強不可謂刑

鯁害也

德刑不立姦軌並至臣脆弱弗能忍俟也乃犇翟三月

厲公殺

魯成十七年十二月長魚矯奔翟閏月
樂中行殺胥童十八年正月厲公殺

欒武子中行獻子圍公於匠麗氏

匠麗氏晉嬖大夫也

乃召韓獻

子獻子辭曰殺君以求威非吾所能為也

求威求威也

威行

為不仁事廢為不知

威行於君為不仁事廢不成為不知

享一利亦得一

惡非所務也昔者吾畜於趙氏

畜養也韓獻子見成養於趙盾

孟姬之

讒吾能違兵

孟姬趙盾之子趙朔之妻晉景公姊也與盾之弟樓嬰通嬰兒趙同括放之姬譖同

括於景公景公殺之時獻子能違其兵難卒
存趙氏未可脅與殺君也在魯成十八年

人有言曰

殺老牛莫之敢尸而况君乎

尸主也

二三子不能事君安

用厥也中行偃欲伐之樂書曰不可其身果而辭順

謂果

敢行其志也

順無不行果無不徹

順者人從之故無不行果者志不疑故無不徹徹達

也

犯順不祥伐果不克

克勝也

夫以果戾順行民不犯也

戾帥也以果敢帥順道而行之故民不犯

吾雖欲攻之其能乎乃止

國語卷十二